

四庫全書

子部

欽定四庫全書

萬姓統譜卷一百三十二 明 凌迪知 撰

上聲

四紙

水丘

吳興宮音

漢 水丘岑

圉人北海門下書
佐至司隸校尉

水丘崇

司隸校尉

五代 水丘昭券

臨安人性沉厚知書能文章
事吳越王佐為內都監使

宋 水丘衮

臨安人寶慶進士

水丘咨龍

臨安人紹熙進士

明 水丘進

永樂中浙江舉人

水丘曦

永樂中浙江舉人俱台州人

市南

周 市南宜僚

楚人見左傳

倚相

楚左史倚相之後

周 倚相季文

士官

子服

姬姓魯桓公之子公子慶父玄孫孟懿伯字子服其後以為氏

周 子服惠伯

孟椒淺子勸昭公如楚

子服昭伯

椒之子

子服景伯

子家

姬姓魯莊公之孫公孫歸父子家其後為子家氏

周

子家子

魯昭公二十九年衛靈公來獻其乘馬曰啟服墮墜而或昭公將為之積子家子曰從者

病矣請以食之乃以憚裹之

子家羈

懿伯桓公孫昭公時知伐季父氏之謀而不洩請釋季平子不聽從昭公薨于外季氏欲

仕之而逃

子桑

魯大夫子桑伯子之後秦公孫枝字子桑其後氏焉

周子桑雥

見莊子

子叔

姬姓魯文公之子公子叔盼之子為子叔氏

周

子叔聲伯

盼子

子車

子車奄息子車仲行子車鍼虎

三人皆子車氏之子秦之良也穆公卒以

三良殉葬國人賦黃鳥詩以哀之

子孟

姬姓魯公子子孟之後

周子孟卿

齊簡王時為大夫

子我

姬姓魯叔孫成子生申字子我因氏焉

周子我封人

衛大夫

子有

周子有恭叔

宋人

子有善祥

魯人見禮記

子玉

姬姓衛大夫子玉雷之後

子玉房

秦穆公時大夫

子伯

姬姓衛大夫子伯李之後

周子伯先

子夏門人魏人居西河

子師

姬姓鄭大夫子師僕之後

漢
子師將

北平
太守

子儀

周
子儀克

宋桓司
馬之臣

子泉

姜姓齊頃公之子公子湫字子泉之後

周
子泉捷

齊大夫
見新序

子獻

媯姓陳桓公孫子獻之後

周
子獻遼

楚丈王
時大夫

子尚

媯姓陳僖公生康丘子尚意因氏焉

周
子尚伯父鄭大夫

子行

周
子行敬子衛大夫

子建芈姓楚太子建之後

周
子建叔子襄王時為大夫

子午芈姓楚公子午之後

周
子午明齊大夫

寺人掌府寺之官宋寺人惠牆之後

周寺人披

為獻公伐重耳重耳入告以呂甥冀芮之變

靡父

漢靡父樂陽

靡父中孺

士思

周士思癸

晉人

士思卜

鄭人

士思穆

秦將軍

呂管

呂管次祖

中山人鉅鹿都尉

士孫

士孫瑞

字君策扶風人有才謀與王允誅董卓有功而不戾司馬公稱之

士孫張

博士平陵人揚州牧明梁丘易

士孫仲徹

長安令

士孫睦

弘農太守

士孫奮

字景卿扶風人少為郡五官掾得錢貲至一億十千萬富聞京師

士孫喜

見容齋隨筆

士孫天與

扶風人武功太守封開國男

癸北

癸北女為舜妃

綺里

漢商山四皓綺里李之後

子陽

姬姓魯公族有子陽者其後以王父字為氏

子士

姬姓魯桓公之後妹孫氏之裔也

子言

姬姓魯季平子生昭伯字子言其後為氏

子仲

姬姓風俗通魯宣公子仲之後見毛詩

子羽

姬姓晉公族子羽之後為楚隋邑大夫

子南

衛靈公之子公子郢之後為子南氏

子齊

姬姓魏公族

子國

姬姓鄭公子發字子國之後

子罕

姬姓鄭公子喜字子罕之後

子孔

姬姓鄭公子嘉字子孔之後

子游

姬姓鄭公子堰字子游之後

子駟

姬姓鄭公子駢字子駟之後

子皙

姬姓鄭公孫黑字子皙之後

子豐

姬姓鄭公子去疾字子豐之後

子人

鄭子人父之後

子革

世本宋司城子革之後

子旗

姜姓齊惠公曾孫樂施字子旗之後

子乾

姜姓齊公子都字子乾之後

子工

姜姓齊頃公之子字子工之後

子襄

姜姓齊惠公之子公子子襄之後

子雅

姜姓齊惠公之孫公孫灶字子雅之後

子尾

姜姓齊惠公之孫公孫蚡字子尾之後

子臧

姬姓曹宣公子欣時字子臧之後

子華

韓有子華子因以為氏焉

子州

堯以天下與子州支父見莊子

子占

陳桓子生書字子占之後

子鞅

媯姓陳僖公生簡子齒為子鞅氏

子芒

媯姓陳僖公生盈字子芒之後

子禽

媯姓陳僖公生惠子子得為子禽氏

子輿

媯姓陳桓公生子石難為子輿氏

子寤

媯姓陳僖公生宣子其後為子寤氏

子沮

媯姓陳桓公生子與為子沮氏

子夏

媯姓陳公子少西字子夏因氏

子宋

媯姓陳宣公生子楚其後為子宋氏

子枋

見姓苑

子庚

半姓楚公子午字子庚其後以王父字為氏

子季

半姓楚公族也

子西

半姓楚公子申字子西之後

子重

半姓楚公子嬰齊字子重之後

子期 芊姓楚公子活字子期之後

子囊 芊姓楚公子貞字子囊之後

子然 姬姓鄭公子然之後

子郢 姬姓鄭公子郢之後

子蕩 子姓宋桓公之子公子蕩之後

士丐 姬姓晉士氏之子士丐之後

士季 姬姓晉士氏之子士季生渥濁為士季氏

士吉 姬姓晉士為生吉為士吉氏

士為

姬姓晉隰叔為士氏之祖士為其子也為晉士官

故以為氏

士貞

晉康公支子士貞之後

史晁

衛史晁之後

史葉

姬姓衛項侯之後公子史食采于葉因氏焉

上成

后漢書密縣上成公白日昇天

士成

莊子有士成綺

五尾

比人

漢比人交

四門博士
桓帝時人

取慮

徐偃王子食邑取慮因氏姓纂云今臨淮有此姓

尾勺

左傳商人六族有尾勺氏

六語

楚李

半姓世本楚若敖生楚季因氏焉

周楚季融

陳大夫

褚師

宋共工子子為石褚師因氏焉

周褚師子服

宋大夫

褚師圉

衛大夫

爾朱

其先契胡部落大人世為首師君爾朱川因以為氏

南
北爾朱榮

爾朱文殊

爾朱文暢

爾朱文略

爾朱彥伯

爾朱仲遠

爾朱世隆

爾朱度律

爾朱天光

爾朱羽健

從駕平晉陽定中山有功割秀容三百里封之以為世業

爾朱兆

爾朱弼

字輔陽秀容人
大將軍

爾朱敞

字乾羅北秀容人父彥伯魏封博陵郡王為齊神武所誅敞少隨母養于宮中時年十二

敞自竇走至大街見童兒羣戲敞解所著綺羅金翠服易衣而遁追騎至不識敞便執綺衣兒比究問會日已暮由是免遂入一村見長孫氏媼踞坐牀敞再拜求哀長孫氏愍之藏于複壁之中購之愈急追且至長孫氏資而遣之遂詐為道士變姓名隱嵩高山略涉經史數年間人頗異之嘗獨坐巖石下泫然嘆曰吾豈終此乎伍子胥獨何人也乃奔于長安周文見而禮之拜行臺郎中靈壽縣伯保定中開府儀同三司進爵為公

唐爾朱洞

其先出于元魏爾朱族遇異人得道唐僖懿間落魄成都市中于江濱取白石投水衆莫

測後自果至合賣丹於市價十二萬刺史召問其直更增十倍以其反覆或以篋籠棄諸江至

涪州漁人姓石者得之授以丹
二人俱仙去張商英為作傳

五代 爾朱代勤

明 爾朱欽

字敬伯富平人中鄉試第一洪武四年進士
是年皇祖親製策問試以敬天勤民之道欽

對稱旨即
銓蒲圻丞

巨毋

漢 巨毋霸

身長一丈大十圍
王莽以為壘尉


楚丘

新序楚丘先生孟嘗君時人

莒子

嬴姓春秋時楚滅之子孫以莒子為氏

呂相 秦相呂不韋本陽翟賈人子孫以賈氏焉



萬姓統譜卷一百三十二

欽定四庫全書

子部

萬姓統譜卷一百三十三至
四十

詳校官中書臣徐志晉

主事臣祁韻士覆勘

總校官知縣臣楊懋珩

校對官中書臣高 中

謄錄監生臣王 宮

欽定四庫全書

萬姓統譜卷一百三十三 明 凌迪知 撰

上聲

七虞

武安

半姓秦將白起封武安君因氏焉

武安恭

千乘侯

五鹿

姬姓風俗通衛邑也晉公子重耳封舅犯于五鹿支孫氏焉代郡成陽縣有五鹿氏

五鹿充宗

善為梁丘易漢元帝好之今與諸易家論難充宗乘貴幸辨口諸儒莫能抗

主父 竊姓趙武靈王號主父支孫因以為氏

漢

主父偃

臨淄人初學縱橫術晚乃學易春秋百家之言武帝朝上書闕下朝奏暮召時徐樂嚴安

亦上書言世務上曰公等安在何相見之晚拜偃為郎中一歲四遷後拜齊相徧召昆弟賓客

散五百金予之

宋

主父詰

開封人登科

五鳩

少昊氏官名因氏焉

周

五鳩廬

趙將軍

左師

周有左師觸龍

宋

左師名

嘉祐元年奉議
郎知大庾縣事

左人

周

左人郢

仲尼
弟子

左丘

周

左丘明

左尹

楚左尹郁宛之后

周

左尹子息

魯人見
穀梁傳

左行

漢左行恢

伍參 楚伍參之後支孫以為氏

周伍參蹇楚昭王時人

苦成 姬姓邠皐別封于苦為苦成子

漢苦成勃俱見印數

苦成 風俗通苦成之後後隨音改焉

晉苦成云廣漢都尉 苦成詵黃門侍郎

苦成和將軍 苦成彪南海太守

古成變

開元雲陽尉

宇文

趙郡商音南單于之后因獵得玉璽其俗謂天為

南

宇文活

世為擁部大人仕慕容垂為唐郡內史道武平慕容氏活撥入魏為第一客

宇文貴

字永貴少受學輟書嘆曰男兒當提劍汗馬以取公侯何能為博士

宇文忻

字仲樂驍果善戰初仕周討滅尉遲回以功加上柱國封英國公隋祖即位參謀帷幄出

入卧內恩顧彌重後忌而殺之

宇文深

幼時為兒戲累石為營壘折草為旌旗父曰此兒必為良將後仕周為大將軍

宇文慶

字仲慶嘗曰書足以記姓名而已安能事筆硯為腐儒之業哉後拜上柱國

宇文泰

心在王室魏文帝西至長安依之以為尚書令封安定公

宇文測

後周以侍中行汾州事政尚簡惠普得人和

宇文仁恕

魏人聘於齊

宇文弼

字公輔慷慨有大節當官正色為百僚所憚仕隋為尚書左丞

宇文達

字度斤突性果決善騎射武成初封代國公建德初進位柱國出為荊州刺史在州有政

績武帝手勅褒美之所部澧州刺史蔡澤以賊敗達以其世著勛庸欲曲法貸之恐虧公憲密

表奏之事竟得釋達雅好節儉食無兼膳侍姬不過數四衣皆敝故又未嘗營資產家無儲積

左右嘗以為言達從容應之曰君子憂道不憂貧何煩於此武帝東伐以為右軍總管為隋文

帝所害

宇文述

字伯通代郡武州人隋開皇間晉王鎮揚州奏為壽州刺史總管累官左衛大將軍封許

國公加開府儀同三司

隋

宇文愷

博學能文有巧思文帝時為延州刺史有能聲著東宮典記十七卷

宇文護

泰以為類已死以天下托之嗣子幼冲強冠在邊衆心恃之而定

宇文孝伯

武帝時出入卧内時政皆預委信孝伯盡心竭力無所迴避

宇文福

活撥孫少驍果有膂力拜羽林郎太和中累遷都牧給事福善於將養並無損耗孝武嘉

之歷瀛州刺史性忠清在公嚴毅以信御人甚得聲譽累官懷朔鎮將卒謚曰貞御

宇文延

字慶壽體貌魁岸眉目踈朗位員外散騎侍郎以父老詔聽隨侍在瀛州屬人乘妖黨突

入州城延率奴客迎戰身被重創賊縱火燒齋閣福時在內延突入抱福出外支體灼爛鬚髮盡焦於是勒衆與賊苦戰賊乃散走以此見稱累遷直寢後與萬俟醜奴戰死

宇文蚪

字樂仁代武川人也驍悍有膽畧少從征討累有戰功封南安侯孝武西遷以獨孤信為

行臺信引蚪為帳內都督隨信奔梁大統三年歸闕進爵為公禽竇泰復弘農及沙苑河橋之戰皆有功又從獨孤信討梁企定破之累遷南秦州刺史驃騎大將軍開府儀同三司蚪每經行陣必身先士卒故上下同心戰無不克後除荊州刺史大將軍卒

宇文憲

泰子年十六治並州蜀人立頌德碑

宇文春

字乾壽建德時為大將軍

宇文協

死煬帝難

唐宇文士及

諂佞竊位無才可稱

宇文節

永徽初為侍中

宇文融

開元中為監察御史獻策請為天下游戶民田以佐用度由是擢為農田勸農使諸道得

客戶八十萬田亦稱是

宇文炫

太宗時為衡陽太守時和歲豐民物康阜

宇文審

萬年人融子聞父遭貶徒步省父後舉進士累遷大理評事終永州刺史

宇文籍

字夏龜父滄官卑少好學尤通春秋實厚自處士徵為右拾遺表籍自代由是知名登進

士第宰相武元衡出鎮西蜀奏為從事以咸陽尉直史館與韓愈同脩順宗實錄遷監察御史

王世宗叛詔捕其弟駙馬都尉承系其賓客中有為誤識者又蘇表以破淮西策干宰相武元衡元衡不用以籍舊從事令召表訊之籍因以表狎元衡怒坐貶江陵府尹曹參軍至任節度使孫簡知重之欲令兼幕府職事籍辭曰籍以君命遣黜亦當以君命升假榮偷獎非所願也後考滿連辟藩府入為侍御史轉著作郎遷駕部員外郎史館修撰與韋處厚韋表徵路隨沈傳師同修憲宗實錄俄以本官知制誥轉庫部郎中太和中遭諫議大夫專掌史筆罷知制誥籍姓恬澹寡合耽玩經史精于著述而風望峻整為時輩推重太和二年正月卒時年五十九贈工部侍郎子臨大初中登進士第

五代
宇文徽

後周洛陽人父珍為宣州刺史徽為禮部工部常奉使至鄧國及黑水龍洞諸羌前後降

服三十
餘部

宋

宇文昌齡

字伯修雙流人進士甲科神宗時為監察御史職事修飭累遷太常少卿詔議郊祀

合祭論者不一後竟用其言出知梓壽等州徽宗立為戶部侍郎建言歲省陝西糴價五百萬

子常累官提舉成都路茶馬盡革宿弊馬遂溢額進祕閣修撰知夔州

宇文子震

高宗朝為
徽州牧

宇文奉直

熙寧中守懷安軍有功德於民及去民懷其德不已繪祀於紫雲山

宇文之邵

漢州人舉進士為交州曲水令神宗時上疏論時政不報遂致仕以太子中允歸時

未四十自強於學不易其志司馬光曰吾聞志不行顧祿位如錙銖道不同視富貴如土芥於

今之邵
見之矣

宇文愚

太平興
國進士

宇文冊

嘉佑
進士

宇文褒

元佑進士
俱井研人

宇文粹中

華陽人以文學際遇累官至尚書左丞弟
虛中舉進士官至簽書樞密院事謫韶州

建炎中應詔起以資政殿大學士使金金人留
之虛中每密以蠟書奏虛實遂遇害有文集行
于世

宇文虛中

蜀人仕宋累官資政殿大學士建炎初使
金為祈請使會金人方議禮儀制度愛其

才學遂留不

遣後卒于金

宇文紹節

廣都人孝宗以虛中及其子師援皆死于金愍之命紹節為之後登進士第累官端

明殿學士簽書樞密院事多所建明朝廷咨訪蜀事紹節審而後言皆周悉事情卒諡忠忠

宇文百之

新井人性孝友數世不異居庭前六燕同巢紫荆異本合榦人以為孝友之應

宇文峒

成都人嘉定間為邑酒正攝縣事修廸學宮祀周程張朱四子度正魏了翁為之記焉

宇文千之

乾道進士開中人

宇文十朋

奉議郎

宇文常

政和末知黎州有上書乞於大渡河外置城邑以便互市者詔訪常常言太祖觀蜀地圖

畫大渡為境歷百五十年無夷患今若于河外建城邑邊隙寔開非中國之福也乃止

宇文時中

仕左中奉大夫直秘閣

元 宇文公諒

字子貞歸安人通經史百氏言有操行累官國子監丞嶺南廉訪僉事平居雖暗室

必正衣冠端坐畫有所為夜則書之其不可書即不敢為所著有折桂等集門人私謚曰純節

生先

明 宇文夏中

宇文鑄

陝西人宣德中任歸安教諭

宇文溥

歸安人宣德中任通判

宇文靖

乾州人成化舉人任推官

宇文鍾

陝西人弘治進士

補祿

晉

補祿彪

惠帝時殿中郎見英賢傳

古野

一作古冶

周

古野子

齊景公
勇士

古口

漢

古口引

武羅

夏時侯國之後

武彊

漢二十八將王梁封武彊侯因氏焉

武成

羸姓風俗通趙平原君勝封武成君因氏焉

魯陽

半姓楚公族有魯陽氏

五王

氏 嬌姓風俗通齊自臧宣渢襄至王建五王因以為

左史

古者左史記言楚有左史倚相左史老其後也

古孫

姬姓王孫賈之後隨音改為古孫氏

武仲

姬姓臧武仲之後

甫與

世本宋大夫甫與之後

九蟹

擾龍

劉累之後

漢
擾龍羣

侍御
史

十賄

宰父

周宰父黑仲尼
弟子

宰氏

周宰氏學范蠡師計然姓宰氏
字文子葵丘濮上人

十一軫

尹丈見世本

周尹文子齊人著
書五篇

尹午

楚大夫教尹午之後

周

尹午子叔

十三阮

偃師

媯姓陳太子偃師之後

罕井

見姓苑

苑羊

左傳莒大夫苑羊牧之後

斫胥

見姓苑

十六銑

單父

漢單父右軍

見容齋隨筆

十七篠

趙陽

姬姓潛夫論衛公族有趙陽氏

十八巧

小王

衛大夫小王桃申之後

十九皓

老成

古賢人老成子之裔孫

周老成方

宋大夫著書十篇言黃老之道

考成

周考成子

幼學于尹先生見列子

老萊

周老萊子

楚賢人著書孝二親行年七十未娶作嬰兒戲著五彩斑斕之衣上堂詐跌為兒戲以樂親

駁馬

漢駁馬少伯

見容齋隨筆

六一馬

馬師

姬姓鄭穆公之孫公孫鉏為馬師因以為氏

周

馬師皇

列仙傳

賈孫

衛大夫王孫賈之後

漢賈孫騷

北海人侍中

馬矢

漢有大司徒馬宮本馬矢氏

漢

馬矢匡

河東人

馬適

漢馬適育

畢梁侯

馬適求

功臣討王莽見害

馬適建

見容齋隨筆

夏父

周夏父弗忌

魯大夫

夏父徵

宋大夫

夏父展

魯宗人諫宗嬭覲不用幣

夏侯

酈國商音夏禹之後封杞楚滅簡公弟他奔魯封夏陽侯因氏

漢夏侯嬰

沛人為沛廐司御以太僕從高祖入蜀定三秦又從擊項羽及高祖受圍平城既開一角

出嬰徐行持滿外向卒得脫後事文帝封東平侯

夏侯始昌

魯國人通五經以齊詩尚書教授字仲舒韓嬰死後武帝得始昌甚重之始昌明于

陰陽先言柏梁臺災日至期日果災為昌邑王太傅以壽終

夏侯勝

字長公始昌子少孤好學從始昌授尚書及洪範五行傳又從歐陽氏學善說禮徵為博

士光祿大夫昭帝崩昌邑王嗣立數出勝當乘輿前諫曰天久陰不雨臣下有謀上者王怒縛以屬吏是時霍光與車騎將軍張安世謀欲廢昌邑王光讓安世泄語安世實不言乃召問勝勝對言在洪範安世大驚以此益重經術士遷長信少府宣帝朝以議武帝謚同黃霸下獄霸從勝受經隆冬講論不急尋赦出為諫議大夫遷太子太傅受詔撰尚書論語說賜黃金百斤年九十卒詔為勝素服五日以報師傅之恩儒者以為榮勝每講授嘗謂諸生曰士病不明經

術經術苟明其取青紫如拾地芥爾學經不明不如歸耕

夏侯訢

字長况寧陵人侍母疾衣不解帶者二年母憐其苦令出便寢息訢方假寐忽夢其父告

之曰汝母疾沉痾非几藥可愈天帝憐汝至孝賜以仙藥在居室後桑枝上訢忽驚起如所言

得樂進之母病頓瘥

夏侯建

字長卿勝從父子師事勝歐陽高左右采獲又從五經諸儒問與尚書相出入者牽引以

次章句具文飾說勝非之曰建所謂章句小儒破碎大道建亦非勝為學疏略難以應敵建卒自顯門名經為議郎博士至太子少傅子千秋亦以儒顯名仕至少府太子少傅

夏侯惇

字元讓沛國譙人嬰之後魏將曹操初起惇為裨將尋領東郡太守屢從征伐有功夫帝

時拜大將軍惇性清儉有餘財輒以分施卒謚忠侯

夏侯淵

字妙才惇族弟也太祖居家曾有縣官事淵代引重罪太祖營救之得免時充豫大亂淵

以饑乏棄其幼子而活亡弟孤女入以此義之太祖起兵以別部司馬騎都尉從陳留潁川

太守及與袁紹戰於官渡行營軍校尉紹破使蓄克豫徐州軍糧時軍食少淵傳饋相繼軍以

復振還拜典軍校尉淵為將赴急疾常出敵之不意故軍中為之語曰典軍校尉夏侯淵三日五百六日一千歷征西將軍拒劉備戰死謚曰愍侯

夏侯惠

字雅權淵之子仕魏為樂安太守以文學見稱與鍾毓素有辨駁事多見從

夏侯霸

淵中子太和中賜爵關內侯正始中為討蜀護軍右將軍進封傳昌亭侯

夏侯稱

淵子自孺子時便好合聚童兒為之渠帥戲必為軍旅戰陣之事有違者輒嚴以鞭箠衆

莫敢逆淵奇之使讀項羽傳及兵書不肯曰能則自為耳安能學人年十六見奔虎一箭而倒魏太祖把其手曰我得汝矣與文帝為布衣之交每宴會談一坐辨士不能屈世之高名者多從之遊年十八卒

夏侯榮

淵子幼聰慧七歲能屬文誦書日千言經目輒識之文帝聞而請焉賓客百餘人人一奏

刺悉書其鄉邑姓名世所謂爵里刺也客示之一寓目使之遍談不謬一人帝深奇之漢中之敗榮年十三左右提之走不肯曰君親在難焉所逃死乃奮劍而戰遂沒陣

夏侯尚

字伯仁淵從子也文帝與之親友太祖定冀州尚為軍司馬將騎從征伐後為五官將文

學魏國建遷黃門侍郎代郡胡叛遣鄢陵侯彰
征討之以尚參彰軍事定代地還太祖崩於洛
陽尚持節奉梓宮還鄴并錄前功封平陵亭侯
拜散騎常侍遷中領軍大帝踐祚更封平陵鄉
侯遷征南將軍領荊州刺史假
節都督南方諸軍事謚曰悼

夏侯玄

字太初少知名弱冠為散騎黃門侍郎嘗進
見與皇弟毛曾並坐玄恥之不悅形見於色

明帝恨之左遷為羽林監正始初曹爽輔政玄
爽之姑子也累遷散騎常侍中護軍玄世名知
人為中護軍拔用武官參戰牙門無非俊傑後
多收州典郡立法垂教者太傅司馬懿訪以時
事玄上議於懿皆切政理懿敬重焉頃
之為征西將軍假節都督雍涼諸軍事

晉夏侯湛

字孝若譙國人也幼有盛才文章宏富善構新
詞而美容觀嘗與潘岳同車接茵京都謂之

連璧泰始中舉賢良對策中第拜郎中後轉尚書郎出為野王令惠帝即位為散騎常侍

夏侯淳

字孝冲湛弟亦有文藻與湛俱知名官至弋陽太守

夏侯承

字文子湛子參安東軍事稍遷南平太守大興末王敦舉兵內向承與梁州刺史甘卓巴東監軍柳純宜都太守譚該等並露檄遠近列敦罪狀會甘卓懷疑不進王師敗績敦悉誅滅異已者收承欲殺之承外兄王廙苦請得免尋為散騎常侍

夏侯伏朗

著三禮圖十二卷

夏侯泰

北南夏侯詳

字休業譙郡人年十六遭父艱居喪哀毀三年廬于墓側嘗有三足雀飛來集其廬戶眾咸異焉後仕宋為新汲令政有異績歷事八將

州郡稱之天監元年徵為侍中車騎將軍遷湘

州刺史詳善吏事在州四載為百姓所稱州城南臨水有峻峯舊老相傳云刺史登此山輒被代歷政莫敢至者詳於其地起臺榭延僚屬以表損挹之志六年徵為尚書右僕射卒謚曰景

夏侯亶

字世龍父詳鎮荊州亶留京師為東昏聽政主帥慧景作亂以捍御功除驍騎將軍天監

中為安陸太守甚有威惠為邊人悅服歷都官尚書南豫二州刺史加都督卒謚曰襄亶美風儀寬厚有器度歷六郡三州不治產業所得祿賜隨散親故性儉素居處服用不華侈晚年頗好音樂有妓妾十數人並無被服姿容每有客常隔簾奏之時謂簾為夏侯妓衣

夏侯夔

字李龍梁豫州刺史立堰溉田境內賴之夔兄亶先經此任有恩惠百姓歌曰我之有州

賴得夏侯前昆
後弟布政優遊

夏侯恭升

諫人垣崇祖為豫州聞其才義辟為主簿
兼掌書記齊高帝即位方鎮皆有賀表王

儉見崇祖啟嗟嘆良久曰此恭升辭也後為竟
陵令惠化大行木生連理咸以為善政所致

夏侯公韻

後閣舍人隋兵入殿百司皆
避尚書袁憲與公韻獨侍側

唐

夏侯端

壽州人高祖徵時與相友高祖入京師擢河
南道招慰使傳檄州縣次亳州會王世克起

道塞無所歸乃馳節東起世克遣人以吏部印
綬召之端即焚書及衣解節毛懷之間道走歸

拜秘書
書監

夏侯審

大歷十
才子

夏侯孜

字好學本諫人審子孜寶歷二年登進士第
釋褐諸侯府累遷婺絳二郡刺史入為諫議

大夫轉給事中十年改刑部侍郎十一年兼御史中丞遷尚書右丞上柱國賜紫金魚袋十一

年遷朝議大夫守戶部侍郎判戶部事再加兵部侍郎克諸道鹽鐵轉運等使

宋

夏侯嶠

字峻極其先幽州人高祖秀徙家鉅野嶠善詞賦淳謹無過太宗朝舉進士累官翰林侍

讀學士卒後畢士安拜相每歎曰若夏侯君在此位吾豈得而據也有集十五卷

夏侯嘉正

字會之江陵人少有俊才舉進士歷官著作佐郎使于巴陵嘗作洞庭賦人多傳寫

端拱初召試辭賦擢右正言直史館兼直秘閣元夕太宗御乾元門觀燈嘉正獻五言十韻詩

卒年三十七子紓太子中舍

夏侯延祐

朝散大夫行上柱國知縣事淳化四年見仁王院帖

夏侯履道

韶州人崇寧進士

夏侯冕

建隆登科

元夏侯尚玄

華亭人好著述仕為東宮伴讀明宗之變去官入海都鄭王聞其賢待以上賓已而

王被誣誅尚玄方陳王之忠孝數事既得白翩然南歸不復仕揭傒斯為傳其事

明

夏侯緒

分官人洪武中任工部寶源局副使

夏侯錫

宜黃人宣德中任黃同知縣

夏里

四皓夏里黃公河內人

萬姓統譜卷一百三十三

欽定四庫全書

萬姓統譜卷一百三十四 明 凌迪知 撰

上聲

廿二養

上官

天水羽音楚王子蘭為上官邑大夫因為氏

漢上官資

郎中上書救李雲貶秩二等

上官鴻

和帝末為金城長史

唐上官儀

陝縣人工詩詞貞觀初為弘文館直學士高宗時累遷西臺侍郎后武得志專威福儀密

請帝廢后后聞而殺之中宗時贈中書令

上官說

陳許節度使

上官泊

乾符末為鎮將黃巢直趨建州泊與子蘭率兵勦王拒賊力戰父子皆被害

宋上官敏功

長垣令金人陷長垣功歿之

上官凝

字成名邵武人進士調銅陵尉官滿有老叟十數人送至境上餽藥數器行數里發之皆

白金追而反之曰奉法循理非私汝也詎以公義而受私惠乎

上官均

字彥衡凝子邵武人熙寧三年進士第二除監察御史裏行上疏忤蔡確謫宰光澤杖妖

巫立義社有政績元祐初復為御史論青苗以為有惠民之名無惠民之實遇事敢言朝政得

失多所論諫崇寧初與元祐黨籍後復龍圖閣待制

上官悟

字仲達均之子用蔭累官秘閣修撰為東京副留守時濟南劉豫叛降金以金令節京東

兵馬因遣人說降悟斬其使豫復賂悟左右使說悟復斬之金兵攻東京愈急不能支城陷死

之贈右文殿修撰官其後五人

上官愔

字仲雍邵武人均季子政和二年第進士二帝北行愔上宰相書請迎康王速即大位西

入京師以圖興復建炎二年遷著作佐郎吏部員外郎出知南劍州以剛介著政聲廖剛論薦堪任察官懇辭不赴奉祠有尚書小傳論語孟子略解及史統史旨

上官恢

字閣中邵武人均從子元豐八年登進士第崇寧中選河朔守臣以恢知深州改南劍州

政尚寬和移知徽州專務仁愛多所寬貸不得已乃臨以威吏懷服晚奉祠里居過者皆云此

熙豐名儒也胡安國以恢
與楊時並薦官至中大夫

上官愷

字正平邵武人凝之孫愷幼孤從從父均學
登元豐十年進士第調溧陽尉改新息遷濠

州錄參政永城縣丞從事十餘年
廉正明決雖不見知而自信不改

上官粹

字德厚均再從曾孫喜義而嗜學隆興初
以累舉試策入第調武岡軍僉判在官以

長者稱零陵有重囚獄久不決粹中
往推詰片言而定囚感服更無變辭

上官損

字益之恢從曾孫少孤事祖母以孝聞博學
工文慶元五年特赴廷試授汀州武平簿

上官必克

字復之惜曾孫幼孤事母孝謹篤學好修
慶元五年以積舉推恩監成都府都稅務

鈎察精明洞燭情偽吏無所容其奸以是課額
增羨視常歲十倍二三諸司薦其材行調泉州

錄參
卒

上官渙酉

字元之邵武人嘉定初第進士端平中知池州先事為防江之圖及金人入浮尤乘

勝抵江岸渙酉率舟師往來上下流張雄聲勢敵乃引去淳祐中充國用所參謀官遷起居舍人宰相將處以瑣闥而行所欲正色拒之遂以集英殿修撰致仕

上官渙然

字丈之渙酉之弟以兄奏補為鄞縣尉擢淳祐辛丑進士第被薦幹辦行在諸軍糧

料院陞對疏論欲正朝廷當自正君心始欲明紀綱當自明公道始愛善類以壯君子之脈容直言以伸公論之氣又條陳守邊三策以獻遷司農寺丞兼右司郎中

上官基

字子固光澤人嘉祐二年第進士嘗知將樂縣會寇起募邑人廖恩殲焉操履可稱子公

穎族子公弼俱登科

上官端義

字方叔邵武人以蔭為惠安簿催科示民以信民自樂輸調袁州司法適歲饑被委

發糶民或有不足於直為出已貲補之遷建安縣丞攝浦城甌寧二邑皆有忠政

上官賁

字濟叔邵武人淳熙五年該恩特赴廷對調浮梁縣丞郡以事送委予決盡得其情陂塘

渠堰多所修築遷貴州推官致仕手不釋卷歲散困木以濟貧族

上官怡

字友先塏之子工文詞年十六試太學居第一母年高羸疾方暑晨夕侍側以驅蚊蚋不

寢或逾月居憂極哀毀二兄繼歿奉嫂撫孤敬愛兼焉

上官超

光澤人性純孝母病篤剗左脇取肝飼母已而母愈縣令張碩名其門曰孝感

上官拯

字公濟光澤人慶曆二年第進士調建寧縣丞聽訟明敏奸黠無所肆其巧遷上杭縣令

亦有政聲孫行知
解州號令明信

上官夔

萬州守將元兵圍城夔戰守甚力招之降不從城陷巷戰而死

上官正

開封人少舉三傳後為郾州攝官累授平州防禦使分司西京致仕正以平川蜀有功受

知太宗以悻直累致謗書太宗
力與明辯仍賜札戒諭之

上官謐

字宇國邵武人為學務求義理從朱熹學益加涵養任永州推官為政簡易入甚安之

上官世美

宣部
郎

上官復

政和三年以朝散大夫知汴州

明
上官通

字一明丰儀蒼古善楷書幼嘗為吏一旦棄家室結廬於深山龍井坑甘淡薄不苟葷冬

不爐夏不扇夜不就寢通道術有疾病者請其
符服輒愈由是遠邇人皆敬之洪武初福州有
名宦黃其姓者病危殆迎請治療其疾遂愈酬
以金帛一毫無取拂袂而歸本邑遇有旱勞請
禱即雨年六旬頗飲酒嘗作口號云老骨崢嶸
裏皺皮精神不似少年時一周甲子從新數急速
回頭亦是遲翁七
十七絕粒以終

上官子榮

洪武初建
昌知府

上官德

浦城人永樂中
任戶部主事

上官佑

邵武人永樂中新城教諭講習明
訓誨不倦擅古人詩律諸作皆精緻

上官廉

南豐人永樂中知海寧
公平和易與民相安

上官民望

南城人永樂舉
人大理評事

上官民瞻

南城人永樂舉人歷按察副使

上官仲敏

萬載人永樂間任延平府教授

上官晉

晉江人天順間任御史

上官千能

沔池人弘治中臨清州判官

上官崇

永豐人弘治壬子舉人歷知府

上官尹

正德中四川巡按御史

上官寶

乾州人萬歷間瀋陽衛經歷

長孫

濟陽商音魏長改為長孫氏

獻帝三兄拔拔氏孝文以皇枝之

北長孫

代人父仁昭成時為南部大人嵩寬雅有器度年十四歸魏軍著累功歷侍中司徒相州

刺史改封南平公所在著稱明元即位與山陽侯奚行北新侯安同白馬侯崔榮等八人生止

車馬右理萬機故世號八公太武即位進平北
王司州中正遷太尉征伐高麗萬以元老多留
鎮京師卒謚曰宣王子顏善騎射彎
弓三百行襲爵加侍中領南大將軍

長孫道生

嵩從子忠厚廉謹魏道武使掌機密太武
征蠕蠕征赫連與司徒長孫翰為長驅遂

平其國以功除司空加侍中進封上黨王卒謚
曰靖道生廉約身為三司而衣不華飾食不兼
味一熊皮郭泥數十年不易時人比之晏嬰太
武時所在著績每建大議多合時機為將有權
略善待士衆帝命歌工歷頌
羣臣曰智如崔浩廉如道生

長孫肥

代人昭成時年十三以選侍內少有雅度果
毅少言道武之在獨孤及賀蘭部嘗從禦侮

左右帝深信仗之登國初與莫題等俱為大將
屢有軍功後從平中山以功賜爵琅邪公遷衛

尉卿謚
曰武

長孫翰

肥之子少有父風道武等以善騎射為獵郎明元之在外翰與元磨渾等潛謀奉迎明元

即位與磨渾等拾遺左右以功累遷平南將軍率眾鎮北境威名甚著太武即位封平陽王翰親臨其喪喪禮依安成王故事謚曰威

長孫陵

翰弟位駕部尚書性寬厚好愛士封吳郡公卒贈吳郡王謚曰恭

長孫敦

字孝友位北鎮都將坐黷貨降為公孝文時自訟先世勳重帝復其王爵亮謚曰簡

長孫觀

道生子少以壯勇知名襲祖爵上黨王時異姓諸王襲爵多降為公帝以其祖道生佐命

先朝故特不降以征西大將軍假司空留河西七鎮諸軍討吐谷渾焚其城邑而還孝文初拜

殿中尚書吐谷渾又侵逼復假觀司
空討降之後為征南大將軍諡曰定

長孫幼

字承業其先代人魏上黨王道生曾孫也襲父爵上黨公初名異歸魏孝文以其幼承家

業賜名字焉聰敏有才藝虛心愛士宣武時為揚州刺史假鎮南大將軍都督淮南諸軍事諸

子皆驍果梁將裴邃難之號鐵小子
兒幼累遷司徒侍中兼尚書令

長孫紹遠

字士師寬容有大度雅好墳籍聰慧過人父承業作牧壽春時紹遠年十三承業管

記有王碩者文學士也聞紹遠彊記遂求驗之承業命試之碩乃試以禮記月令于是紹遠讀數紙纔一遍誦之若流碩歎服之為司徒府參軍討平河東蜀薛封東阿縣侯

長孫彥

承業子有膂力以累從父征討封槐里縣子孝武帝與齊神武構隙加彥中軍大都督鎮

弘農以為心膂及從帝入關封高平郡公儀同
三司彦少嘗墜馬折臂肘上起骨寸餘乃命開肉
鋸骨流血數升言戲自
若時以為踰于關羽

長孫覽

字休因洛陽人紹遠子有器量涉書記尤曉
鍾律明帝時拜車騎大將軍每公卿大奏必

令省讀及誅宇文護以功封薛國公隋伐陳徵
為東道行軍元帥終涇州刺史子洪仕為北平
太守有
惠政

長孫禮

彦子少以父任為散騎侍郎與襄城公盧魯
元等內侍恭敏有才志太武寵信之曰其父

親近吾祖其子在
我左右不亦宜乎

長孫澄

字士亮年十歲司徒李瑱之見而奇之遂以
女妻焉十四從父承業征討有智謀勇冠諸

將以功封西華縣侯及長容貌魁岸風儀溫雅
大統中歷豫渭二州刺史封永寧伯

長孫慮

代人母飲酒父真叱之誤以杖擊即死真為
縣囚執處以重坐慮列辭尚書云父母怨爭

本無餘惡直以謬誤一朝橫禍今母喪未殯父
命旦夕慮兄弟五人並冲幼慮身居長今年十
五有一女弟尚始四歲父若就刑交隆溝壑乞
身代父命使嬰弱得蒙存立尚書奏云慮于父
為孝子于弟為仁兄尋情究
狀特可矜憐詔恕其父死罪

長孫儉

本名慶明北平王嵩五世孫儉少方正有操
行狀貌魁偉神彩嚴肅雖在私室終日儼然

性不妄交非其同志雖賢遊門亦不與相見
太昌中四方騷動儉從爾朱天光破宿勤明達
等以功賜爵索慮侯文帝深器敬之時荆襄初
附文帝表儉功績宜委東南之任授儉都督三

荆等十二州諸軍事荆蠻舊俗少不事長儉殷
勤勸導風俗大革務廣耕桑兼習武事故得邊
境無虞民安其業吏部表請為儉構清德樓樹
碑刻文又詣闕乞留朝廷嘉而許之歷七載徵
授大行臺尚書兼相府司馬嘗與羣公侍坐文
帝謂左右曰此公間雅孤每與語嘗肅然畏敬恐
有所失他日又謂儉曰名實理須相稱尚書既
志安貧素可改名儉以彰雅操遷尚書左僕射
加侍中尋拜上柱國
卒謚曰文封鄧國公

長孫平

字處均儉子平美容儀有器幹為周衛王侍
讀時武帝逼于宇文護與衛王謀誅之王常

使平通意于帝護誅拜開府儀同三司宣帝置
東宮官屬以平為小司寇與宗伯趙芬分掌六
府高祖龍潛時與平情好款洽及為丞相恩禮
彌厚時尉遲迥王謙司馬消難三方稱兵賀若

弼鎮壽陽帝恐其懷貳遣平馳驛
往代之為揚州總管賜爵襄陽公

隋

長孫熾

字仲光覽從子性敏惠涉書傳後周武帝置
通道館學士熾首應其選隋初拜上儀同三

司判東宮右庶子後持節使東南道廢置
州郡巡省風俗還授僕射遷右部尚書

長孫晟

字季晟洛陽人涉書記善射趨楚過人仕周
為司衛工士隋高祖異之許為名將後累官

相州刺史右驍衛將軍
女為唐太宗后

唐

長孫無忌

字輔幾洛陽人晟之子博涉書史唐初擢
比部郎中佐太宗定天下功第一封齊國

公累遷太子太師後與褚遂良同受顧命高
宗初以諫立武昭儀削爵流黔州子順德

長孫操

字克節洛陽人武德間陝東道大行臺城中
無井開廣濟渠引水入城以代井汲百姓利

安以母喪解任長
老守闕頌遺愛

長孫令緒

羽林大將軍

長孫順德

無忌子貞觀中澤州刺史折節為政以嚴明稱先時守長多通餉問順德繩摘無所

容號稱
良才

長孫恕

貞觀中龍門令於縣東南鑿石壚渠溉田良沃畝收十石又於縣西鑿馬鞍塢渠

長孫左輔

詩人

長孫翽

肅代時人能詩

宋

長孫宗旦

以武節大夫知直州

明
長孫義

慶元人洪武中任鴻臚丞

與鳩

左傳少昊氏官名國于齊土因氏焉

廣武

漢李左車封光武君因氏焉

廣成

神仙傳廣成子居空同山

養由

楚大夫養由基之後

上成

後漢書密縣上成公白日昇天

北三梗

梗陽

周

梗陽巫皋

晉人

漢梗陽真侍御史
謁者

并官先賢傳孔子娶宋之并官氏

邴意齊大夫邴意茲之後

北六有

母丘其先食采母丘因氏焉

漢母丘儉聞喜人魏明時為尚書郎累遷至荊州刺史及帝欲討遼東以儉有幹畧徙刺幽州時高

句麗數侵叛儉督步騎萬人討之追至肅慎氏南界勒石紀勳帝以定遼功進封西邑侯遷左

將軍假節鎮南將軍

母丘興

母丘毅

母丘長

安丘人與母俱行市道遇醉漢辱其母殺之而亡

母丘奧

建平監軍

母丘會

宋紹興登科

母丘儼

母丘斌

閬州人政和登科

右行

晉屠擊將右行因氏焉

周

右行賈華

晉大夫

右行辛

晉司空

漢

右行綽

御史中丞

右宰

周

右宰穀

衛大夫

右師

宋莊公生公子申世為右師氏

漢

右師細君

博士魯論習

右師譚

中郎將

母鹽

漢

母鹽益

見容齋隨筆

母將

漢

母將永

蘭陵人受沛人高相易以為高氏學

母將隆

字君房蘭陵人成帝朝為諫大夫上封事遷冀州牧累官至京兆尹王莽秉政隆不附免

官徙

合浦

母車

見風俗通

漢

母車伯奇

下邳相望樂安

臼季

姜姓齊公子臼季之後

周

臼季宣

魯人

醜門

漢

醜門于弟

友通

漢

友通期

見容齋
隨筆

有窮

古諸侯國也至后羿篡夏后相

有扈

夏諸侯國今弘農人見英賢傳

九方

列子秦穆公時九方皋一名甄善相馬

厚丘

見姓苑

九百

姓苑云代縣有九百里為小吏

母終

左傳母終子加公翟國君也

右尹

楚公子辛為右尹因氏

有男

姁姓史記禹后有有男氏

咎單

成湯司空有咎單氏

北七寢

沈尹

沈邑尹之官也沈姓沈尹之後世為之

周

沈尹成

大夫

沈尹赤

大夫

沈尹後藏

廩丘

齊大夫廩丘子之後

周廩丘充齊隱者見英賢傳

三十躋

阪上上黨屯留人其先居阪上因氏

晉阪上囂惠帝時殿中將軍

萬姓統譜卷一百三十四

欽定四庫全書

萬姓統譜卷一百三十五 明 凌迪知 撰

去聲

一送

仲顏

周 仲顏莊叔 魯人見左傳

仲顏據 齊臨淄大夫

仲長 見纂要

漢 仲長統 高平人少好學博涉書記瞻於文辭為尚書郎每論及時事恒憤歎息因著論名曰昌

言

仲行

左傳秦三良仲行之後晉大行有仲行氏

周

仲行寅

宋大夫

仲叔

周

仲叔于奚

衛大夫

仲叔圉

衛大夫

仲孫

魯公子慶父之後慶父曰共仲故以為仲氏亦曰仲孫氏

周

仲孫穀

仲孫蔑

仲孫速

仲孫羯

仲孫獲

仲孫何忌

俱魯人

仲孫湫

省魯莊薨謂不去慶父魯難未已謂魯秉周禮不可取為戒難致諸侯之戍於周

仲梁

周仲梁懷

魯大夫見左傳

仲梁閔

春秋后語

仲烏

漢仲烏羸

見容齋隨筆

洞沐

漢洞沐孟陽

善易

仲熊 半姓楚公族有仲熊氏

四寘

義渠 風俗通義渠狄國為秦所滅因氏焉

漢 義渠安國 光祿大夫
見漢書

戲陽 晉邑子孫以邑為氏

周 戲陽速 衛大夫
戲陽扶 晉卿

利孫 晉大夫公子利孫其後氏焉

漢 東萊太守任
秉取利孫氏

李駟 周八士李駟之後

周 李駟息

晉朝邑大夫

弃疾 楚平王名弃疾後人為氏

周 弃疾休

左宰鄉

季尹

周 季尹然

楚人

季尹明

齊人

季似

漢 季似忠

季孫

魯公子季友之後

周
季孫行父

季孫宿

季孫意如

季孫斯

季孫肥

俱魯人

侍其

漢廣野酈食其曾孫賜以食其為氏玄孫武平帝時為侍中改為侍其氏

宋

侍其類

雍熙登科

侍其君佐

大中大夫知黔縣事

侍其璋

皇佑登科

侍其端

嘉祐登科並開封人

侍其銓

咸淳中為華亭尹

侍其光祖

永州司戶

侍其傳

建炎元年以朝議大夫直秘閣充集賢殿修撰知杭州

侍其曙

字累昇舉進士真宗時知登州會歲饑請漕江淮米以賑貧乏活者甚衆

侍其沔

字國紀為學貫穿經傳與人交如淡薄遇其急奮義以往不避奸險屢舉不遇退為鄉先

生

明侍其備

永樂間高安縣知縣

侍其玟

貴縣人成化中任寧都縣丞

侍其賢

清浪衛人正德中任瓊州府通判

季瓜

漢

季瓜忠

菟裘

史記秦嬴姓之後

季連

芊姓鬼方氏陸終第六子季連因氏焉

事父

子姓宋人

季隨

周八士季隨之後以王父字為氏

季嬰

世本晉季嬰之後

季夙

世本晉靖侯孫季夙之後

季融

芊姓楚閭廡生季融子孫氏焉

意如

姬姓魯季孫意如之後

李老 子姓世本宋華氏有華李老子孫氏焉

去疾 姬姓世本秦穆公子去疾之後

四飯 四飯缺之後

刺門 見姓苑

五未

魏彊 姬姓魏武子走孫莊子快為魏彊氏

六御

庶長 秦爵也

庶長鮑

庶長武

庶長無地

俱秦大夫
見左傳

庶長封

秦將軍封
宜陽侯

庶長黽

秦大夫

庶其

邾大夫庶其之後

御龍

風俗通陶唐氏之後有劉累學擾龍事夏孔甲賜
氏曰御龍氏

七遇

傅餘

英賢傳云傳說為相子孫留傳嚴者號傅餘氏

晉傅餘顏

著復
姓錄

傳其

漢傳其義

庫成風俗通云本苦成方言變為庫成

北南庫成述石趙奉車騎尉

庫成濟大夏令

庫成佇郎中令

庫成防廣平太守

慕容高辛小子居東北夷後徙遼西號鮮卑至涉歸為單于自云慕容二儀德繼三光之容為慕容氏

晉慕容廆元帝時為安北將軍平州刺史

慕容翰字元邕援臂工射臂力過人晉成帝時北投字文歸既而逃歸乃遣勁騎百餘追之翰遙

謂追者曰吾既思戀而歸理無反面吾之弓矢汝曹足知無為相逼自取死也吾處汝國久恨不殺汝汝可步豎刀吾射中者汝便宜反不中者可來前也歸騎解刀豎之翰一發便中刀鏢追騎乃散

慕容盛

字道運初依叔父冲為段木延所殺遂與叔父柔及弟間行東歸慕容垂遇盜陝中盛曰

我六尺之軀入水不溺在火不焦汝欲當吾鋒乎試豎爾手中箭百步我若中之宜慎爾命汝不中當束手相授盜乃豎箭盛一發中之盜曰即貴人子故相試耳資而遣之

慕容儼

清都成安人容貌出羣學兵法工騎射正光中魏河間王元珍率眾救壽春辟儼左廂軍

主自是屢立戰功孝昌中爾朱榮授儼京畿南面都督永安中北育太守宋帶劍謀叛儼輕騎

至城下語云大軍已到太守何不迎帶
劍造次惶恐便出迎儼執之一郡遂定

南慕容恪

仕燕為太宰以恩信御物晉桓
溫曰慕容恪尚在後憂方大耳

慕容垂

燕人歸秦為冠軍將軍權翼曰垂勇畧過人世豪
東夏辟之養鷹每聞風飈之起常有凌霄之志

慕容白曜

仕魏為征南大將軍一
旬拔四城威震齊土

慕容紹宗

仕東魏為
尚書僕射

隋慕容三藏

紹宗子聰敏多武略仕為廓州刺史州人
多逃逸三藏至招納綏撫百姓襁負日至

子遜為澶水丞漢王諒
反抗節不從以誠節聞

慕容彥超

周高祖同產弟創
高行周討杜重威

宋慕容延釗

太原人父章開州刺史延釗少以勇幹聞從周世宗征討以功累官殿前副都點檢

宋初以功加檢校太尉卒追封河南王次子德豐從征太官江南累官潁州團練使歷知數州

慕容德琛

延釗弟延卿之子累官內殿崇班知夔州討反賊李順及澧鼎蠻皆有功景德中以

并代鈴轄知憲州後為右監門衛大將軍

慕容德豐

太原人為昇州都監他使者多哀聚金帛德豐獨以廉潔聞

慕容暉

父惟良潁州刺史因家陽羨嗜酒好吟不務進取所居有數楠軒簷如蓋嘗從蘇文忠游

目為雙楠居士王平甫寄詩云坐嘯雲歸青嶂外行吟帆起白鷗邊從子彥逢

慕容善行

昌黎人與博陵崔仁師弘農劉顓等俱被徵為修文學士

慕容彥達

元豐登科

慕容元卿

崑山人

慕容邦孚

括蒼人諸暨令

慕容搏霄

瑞州司法叅軍

慕容居中

知州

慕容綆

字公度淳熙中知徽州

明慕容傑

湘陰人弘治中龍泉縣丞

慕容輿

即鮮卑慕容氏音訛又為慕容

北慕容興虎

燕將軍

慕容根

領軍

慕容干

御史中丞

慕容拔虎

司徒

慕容常

侍中

庫狄

鮮卑段匹碑之後避難改姓庫狄居代後遷中夏

隋
庫狄士文

開皇初貝州刺史性清苦不受公料
僮僕無敢出門政令嚴肅道不拾遺

庫狄峙

仕齊拜中書舍
人叅掌機密

庫狄盛

少有武力從高歡征
伐累遷幽州刺史

庫狄于

鯁直少言仕魏為定
州刺史清約自居

庫狄昌

字恃德神武人便弓馬
岳整被害翊戴文帝

唐
庫狄履溫

詩人

務成

上務成子堯師呂氏春秋

務成跗新序子夏曰舜學于務成跗

步叔

周步叔乘齊人仲尼弟子

步陽

周步陽御戎晉大夫

柱國

周柱國子良楚大夫

路洛伯益支孫義以路洛為氏

慕利

後魏有吐谷渾主慕利延與慕容氏同祖

路中

漢路中大夫之後

八霽

第二

其先齊諸田漢武帝徙之諸陵以門秩次第田廣之孫舊登為第二氏

唐

第二從直

玄宗時任中尉

第五

隴西宮音齊田氏之後漢初徙園陵者多以次第名因氏

第五倫

字伯魚京兆人少介然有行義始以營長詣郡尹鮮于褒褒見而異之署為吏後褒坐事

轉高唐令握倫臂訣曰恨相知晚後為鄉閭夫平徭賦理怨結得人歡心自以為久宦不達變

姓名自稱王伯齊親友故人莫知其處數年鮮
于褒薦之于京尹閻興興即召倫為主簿署督
錢掾領長安市市無阿枉百姓悅服每讀光武
詔常歎曰此聖主也一見決耳建武中舉孝廉
光武召見甚異之問以政事倫酬對政道無遺
帝戲謂倫曰聞卿為吏筭婦公不過從兄飯寧
有之邪對曰臣三娶妻皆無父少遭饑亂實不
敢妄過人食帝大笑拜會稽太守躬自斬葛養
馬妻執炊爨受俸裁留一月糧餘皆賤賣與民
之羸者五年坐法徵老小攀車叩馬號呼相隨
不得前倫偽止亭舍陰乘船去帝時擢為司
空奉公盡節言事無所依違諸子或時諫止輒
叱遣之吏人奏記及便宜者亦併封上其無私
若此性質慤少文采在位以貞白稱時人方之
貢禹或問倫曰公有私乎對曰昔人有與吾千
里馬吾雖不受每三公有所選舉心不能忘而

亦終不用也。吾姪嘗病一夜十往退而安寢。吾子有疾雖不省視而竟夕不眠。若是豈可謂無私乎？年八十餘卒。

第五頡

字子陵，京兆人。第五倫之子也。倫初為武岡扶夷長，未至擢會稽太守，入代牟融為司空。

元和三年，策免頡，嗣桂陽太守，轉廬江南陽。所在見稱，入為大中大夫，仕至將作大匠。

第五種

倫曾孫，字興先，少厲志義，為吏冠名州郡。永壽中，以司徒掾請詔使冀州，廉察災害，以奉

使稱職，拜高密侯。相時徐充二州盜賊羣聚，高密在二州之交，種乃大儲糧，檣勤勵吏賊聞皆憚之。桴鼓不鳴，流民歸之。郡中至數千家，遷充州刺史，常侍單超姪匡為濟陰太守，負勢貪放，種使從事衛羽收匡賓客，糾發賊六十萬，奏匡并劾超。州內震怖，朝廷嗟嘆之後，超以事陷種。

坐徙朔方是時太山賊叔孫無忌等暴橫一境
州郡不能討羽說種曰中國安寧忘戰日久而
太山險阻寇猾不止雖有精兵難以赴敵羽請
往譬之種敬諾羽乃往備說禍福無忌即率其
黨三千餘人降單超積懷忿
恨遂以事臨種坐徙朔方

第五訪

倫族孫少孤貧傭耕以養哥嫂有暇則以學
文仕為新都令政平化行順帝時為張掖太

守開倉賑饑不俟
上報帝璽書嘉之

第五元

通京氏易公
羊春秋三統

唐第五琦

字禹圭長安人少以吏幹進累官諸道鹽鐵
使進御史中丞肅宗時拜相後為京兆尹

第五可範

中尉

宋

第五寧遠

淳化人嘉定進士
歷左司員外郎

第五克衡

知新州有惠政流
人多被其恩澤

第五居仁

奉化人師蕭與同恕博通經史有宏度雅
量學徒滿門及卒門人私謚曰靜安先生

第五昌言

審平人博通經書為
奉元縣儒學學正

明

第五寧

淳化人國子生永樂中任
交趾當道知縣遠人畏服

第五規

富平人永
樂舉人

第五德

字字元三水人正德
中任夔州府通判

第八

出陳風俗通亦齊諸田之後田廣弟英為第八門
因氏焉

漢第八矯王莽時講學大夫

惠叔姬姓魯大夫孟惠叔之後

漢惠叔儉尚書

閉珊

唐閉珊居集雷益州烏蠻也精卜筮之學其法用細竹四十枝或以難骨代之占筮輒應夷中

稱為筮師

契苾九姓迴鶻匈奴苗裔其一曰契苾部

唐契苾何力以遼東道行軍總管擊高麗敵以精兵守鴨渌水軍不得度忽值冰合何力引衆乘

兵鼓譟而進敵衆大潰追奔數
十里斬首三萬級餘衆悉降

契苾演

貞元中檢校郎中

趣馬

英賢傳曰周趣馬蹶之後

漢

趣馬恩

南陽功曹

九泰

大陸

姜姓齊太公之後食邑陸鄉周號大陸氏

周

大陸子方

齊簡公時人

大狐

姬姓世本晉大夫大狐伯生突突生饒號為大狐氏

周
大狐容
晉大夫

大戊
姬姓晉公子大戊之後

周
大戊昭
宋大夫

大心
半姓英賢傳楚有大心令尹得臣之子因氏焉

周
大心子成
楚懷王時為黃邑大夫

大公

宋
大公鼎
戶部使

太叔
姬姓衛文公之子太叔儀之後

周太叔儀衛大夫

漢太叔雄尚書

太士永嘉松陽有太士氏

漢太士靈秀建安太守

太史齊太史子餘之後

周太史敫莒人淖齒之亂淖王子法章變姓名為敫家傭數女奇其狀貌竊衣食之王孫賈攻殺齒

田單復齊七十餘城立法章為齊王太史氏女為后是為君王后敫曰女不取而自嫁非吾女

也汗吾世終身不覩君后后賢不以不覩失人子體

漢

太史慈

字子義黃縣人北海相孔融聞其名而奇之數餽問其母及融為黃巾所圍慈為說劉備

求援兵以解其圍孫策東渡以慈為建昌都尉慈猿臂善射弦不虛發嘗從討賊賊緣樓上行

詈以手持樓勢慈引矢射之矢貫手著芬其妙如此

三國太史亨

字元復慈子歷官尚書吳郡太守

南北太史叔明

烏程人吳太史慈之後少善莊老兼通孝經論語每講說聽者常數百人為國子助

教邵陵王好其學及出江郢州皆携叔明之鎮所至輒講授士皆傳其學

宋

太史章

德清人元豐登科

太史洵武

嘉興人紹興十八年進士

太史邵

海寧人紹興二十七年進士

太師

商
太師摯

太師庇

大羅

周禮羅氏掌羅鳥獸

周

大羅弘

秦將
軍

蔡仲

姬姓蔡仲胡之後

周

蔡仲其

趙將

會序

音雅姓纂云衛靈公子虺生竈為會序氏

太伯

姬姓周古公之長子讓國李歷為周之太伯故以
為氏

太季

姬姓鄭穆公之子有二子孔此太子孔謂之太季氏即公子志之後

太祝

見姓苑

太傅

漢太子太傅疏廣曾孫彥則避王莽亂于太原因氏焉

褐冠

風俗通賓人以褐冠為姓褐冠子著書

褐餘

潛夫論曲沃桓叔之後

十一隊

內史

風俗通內史叔興之後

周

內史過

內史興

內史叔服

能相

內史遷

萬姓統譜卷一百三十五

欽定四庫全書

萬姓統譜卷一百三十六 明 凌迪知 撰

去聲

十二震

信都

風俗通云張敖尚漢魯元公主封於信都因氏

南信都芳

河間人少明算術兼有巧思嘗云笑厯之妙機巧精微我每一沉思不聞雷霆之聲嘗集

五經算事為五經宗及古今樂事為樂書又聚渾天歌器地動銅鳥漏刻候風諸巧事并圖畫為器隼

信都遵

為吳興太守

十三問

運沌

太昊佐渾沌之後

運奄

史記秦有運奄氏

運期

梁伯鸞後改為運期氏

十四願

厚丘

見姓苑

獻丘

見姓苑

十五翰

曼丘

見通志

周曼丘不澤

齊士

漢曼丘臣

韓信將

賴婁

周賴婁子

幹獻

世本宋司徒華定為幹獻氏

段干

見姓苑段干木之後西河人

十六諫

秦龍

古颺叔安裔子曰董父好龍龍多歸之帝舜嘉之賜氏曰秦龍氏

卷子

姬姓衛文公之後

十八嘯

少師

見英賢傳

少師彊

少師慶

俱魯人

廖叔

古颺叔安之後

周

廖叔惠

秦大夫

邵皓

晉邵皓宣

平陽從事

少室

國語少室周為趙簡子戎右

少正

魯有大夫少正卯仲尼誅之

少施

姬姓魯惠公子施父之後

召伯

周邑也召公食采之地姓纂云召伯奭之後

十九效

校師

子產稱鄉校為師遂曰校師氏

二十浩

浩星

漢浩星公

治穀梁

浩星賜

趙充國友善

浩生

周

浩生不害

見孟子

浩羊

周

浩羊嘉

齊大夫見風俗通

二十一箇

賀蘭有紇伏者與后夜俱起為賀蘭莫何弗因以為氏

南賀蘭祥

字盛樂小前膽氣志在立功除郤督荊州刺史

史頗有惠政由是漢南流人襁負至者日有千數遠近蠻夷莫不款附隨機撫納咸得其歡心既與梁通好行李往來公私贈遺一無所受梁蕭警欽其風素乃以竹屏風及經史贈之祥難違其意取而付諸所司歷拜大將軍贈太師

賀蘭越石

武士獲堦

賀蘭奕

貞觀中自左衛中郎遷羽林將軍

賀蘭翁之

交州刺史

唐賀蘭進明

詩人至德中遷嶺南經畧使終員外郎

賀若

氏代居玄朔隨魏午遷北俗謂志正為賀若因以為

北賀若敦

其先居漢北世為部落大人曾祖貸入魏為都官書敦為將多智畧屢立大功

賀若弼

敦子慷慨曉勇解屬文博涉書記獻取陳十策文帝善之賜以寶刀克定三吳拜大將軍

賀拔

下邳與後魏同出陰山代為酋長北人謂地為拔掩有其地土人相賀因氏焉

北賀拔勝

與弟岳俱鎮恒州魏孝武委以心腹之寄

賀拔岳

少有大志仕魏累遷左光祿大夫

賀拔允

尖山人北齊神武與叅定大策累官領尚書令進爵為王

賀婁

代人本居漠北以國為氏孝文改為婁氏

南賀婁子幹少以驍武知名隋文帝授榆關總管下詔曰自公守北門風塵不警兄銓有才器位

銀青光祿大夫

賀遂魏正始中呼延勒為定州刺史賜姓賀遂氏

賀悅即賀遂氏之訛也姓纂云今關西有此姓

二十二禡

謝丘風俗通周宣王支子食菜謝丘

周謝丘章魯人漢書古今人表

華陽秦宣太后弟封華陽君子孫氏焉

漢
華陽通

諫議大夫

華陽犇

駙馬都尉

社北

風俗與社南皆齊倡也漢有高煬娶扶風社北氏

社南

其姓齊倡見風俗通姓苑云扶風安陵有此姓

下軍

左傳晉欒黶為下軍大夫支孫氏焉

亞飯

周末賢人亞飯干之後

二十三漾

匠麗

左傳漢有匠麗氏

漢
匠麗舒

功臣封祝其侯

壯丘 漢有壯丘勝

尚方 複姓錄有尚方氏

尚方禁 長陵大姓朱博治左馮翊親信以為耳目禁晨夜發起部中盜及他伏奸殊有功效

二十四敬

慶父 世本楚大夫慶父之後

周慶父藉 楚王工正

令狐 姬姓周文王子畢公高之後畢萬仕晉孫魏犢武子生顓別封令狐因氏焉

漢令狐邁 避王莽亂居嫩煌

令狐略 司空長史

令狐子伯

建武中為楚相與王霸為友

三國令狐邵

冀州人魏弘農太守清如水雪舉善而教恕以待人是時郡無知經者乃遣諸吏詣河東

就樂詳學經粗明乃還由是弘農多文學之士

南令狐整

字延保燉煌人深沉有謀望學藝騎射並為河右所推為盪寇將軍鎮豐州

令狐休

整弟聰敏有文武材為燉煌太守

隋令狐熙

字長熙開皇間為桂州總管先是夷越數叛熙至大崇恩信溪洞渠帥相率來歸熙為建

城邑開設學校民夷感化

令狐策

晉人夢立水上與水下人語索純曰以上為陽以下為陰為陽語陰媒介事也永泮而婚

成會太守田豹因策求張
公徵女為子婦仲春成婚

唐令狐德棻

華原人博貫文史初為祕書丞高宗
朝為弘文館學士累遷國子祭酒

令狐渾

富平人天寶中任鄧州錄事參軍以清白聞
本道採訪使宋鼎引為判官初任范陽縣尉

娶幽州人女生彰
秩滿留彰于母氏

令狐彰

京兆富平人少長范陽倜儻有膽氣涉獵書
傳粗知文義善弓矢乃策名從軍事安祿山

天寶中以軍功累遷左衛員外郎彰感激忠義
思立名節乃潛謀歸順遂舉所管州縣入朝肅
宗深獎之拜御史中丞兼滑州刺史仍鎮滑毫
魏博節度使仍加銀青光祿大夫檢校工部尚
書右僕射鎮滑如故彰在職風化大行滑州瘡
痍未服城邑為墟彰以身勵下一志農戰內檢

軍戍外牧黎庶法令嚴肅人不敢犯數年間田疇大闢庫職充盈奉王稅及修貢獻未嘗暫闕歲遣兵詣京西防秋自齊月糧所過秋毫不犯識者稱之

令狐

桓德茶立孫登進士第祿山之亂隱居南山豹林谷司徒楊綰未仕時避亂南山止於桓舍

桓博學貫通羣書有口辨綰甚稱之及綰為吏部侍郎引桓入史館拜右拾遺遷起居舍人修

玄宗實錄一百卷代宗實錄四十卷後遷衡州刺史順宗即位徵為祕書少監

令狐

楚字殷士德茶之裔五歲能文弱冠舉進士鄭僖嚴綬鎮太原皆辟為從事自掌書記至節

度判官歷殿中侍御史楚才思俊麗德宗好文每太原奏至能辨楚之所為頗稱之鄭僖在鎮暴卒軍中喧嘩中夜十數騎持刃迫楚至軍門諸將環之令草遺表楚在白刃之中搦管即成

讀示三軍無不感泣軍情乃安自是聲名益重
憲宗時知制誥後為左僕射出鎮山南節度使
楚自書生隨計成名皆在太原及是秉節作鎮
綏撫有方軍民胥悅卒贈司空謚曰文楚威儀
嚴重若不可犯然寬厚有禮門
無祿賓累居重任貞操如初

令狐建

彰長子彰卒薦建自代滑三軍逼奪情禮建
守死不從舉家歸京師服闋累轉至右龍虎

軍使德宗以涇原兵亂出韋奉天建方教射于
軍中遂以四百人隨駕為後殿至行在以建為

中軍鼓角使興元元年加檢校左散騎
常侍行在都知兵馬使左神武大將軍

令狐運

彰次子為東都留守為杜亞所誣流
嶺表士人冤之弟通為左衛大將軍

令狐定

字履常楚弟元和十一年進士及第累辟使
府太和九年累遷至職方員外郎弘文館直

學士檢校右散騎常侍桂州刺史
挂管都防禦等使贈禮部尚書

令狐絢

字子直楚子登進士第釋褐弘文館校書郎
開成初為左拾遺宣宗朝為翰林學士累遷

至承旨嘗夜到禁中燭盡帝以金蓮燭送
歸後拜檢校司徒進封通國公子瀉渙渢

令狐瀉

絢子少舉進士以父在內職而止及
絢罷相始登第遷右拾遺史館修撰

令狐渙

絢子登進士第位至中
書舍人弟渢亦登進士

令狐緒

宜州華原人楚子以蔭仕歷隨汝壽三州刺
史有佳政汝人奏請刻石頌德緒辭曰臣仕

隨州郡人乞留轉河南少尹
加金紫已名聞不必更立

令狐澄

詹事
司直

令狐寧

邕管節
度使

宋

令狐揆

安陸人卜築涓溪之南嘗雪中跨馬入詣張君房借書令小童携書簾負琴帛繒暖帽委

長吟曰借書離近廓冒雪渡寒溪布衣林逸善繪因作令狐秋掾雪中渡寒溪圖

令狐詠

慶厯登科

令狐相如

郢州人元符登科

令狐蘭

承務郎判徽州路

令狐縉

儀真人紹熙進士

令狐皞

汝州人觀登科

令狐有龍

嘉定進士

令狐槩

紹興進士俱遂寧人

令狐賓

建炎進士遂寧人

明

嘉靖中都察院司務令狐一槐山西洪洞人舉人

嘉靖甲子舉人令狐聰山西洪洞人

鄧陵 半姓楚公子食邑鄧陵因氏焉

周 鄧陵氏 著書見韓子

正令 周禮太僕掌貳車正令因氏焉

慶忌 見姓苑姬姓吳公子慶忌之後

勝屠 漢有勝屠公

孟獲 呂氏春秋齊力人孟獲之後

二十六宥

富父 魯富父終甥之後

周富父槐

魯大夫

富父終甥

魯大夫

鬬穀

周鬬穀於菟

春秋楚人父伯比通子邲子之女生子文邲夫人使棄諸夢中虎乳之邲子田見之

懼而歸夫人以告遂使收之楚人謂乳穀謂虎於菟故名仕楚為令尹三仕三已無喜愠色舊

令尹之政必以告新令尹孔子稱之曰忠

豆盧

范陽本慕容氏燕敗歸魏北人謂歸義為豆盧因氏焉

隋

豆盧通

昌黎人祖長魏柔玄鎮大將父寧柱國太保通弘厚有器局歷夏洪二州總管所在並稱

寬惠卒謚安

豆盧勣

字定東通之弟聰悟有才識為渭州刺史甚有惠政華夷悅服至有白鳥玉漿之瑞民為

之謠曰吾有丹陽山出玉漿濟我民夷神鳥來翔累功封楚國公卒謚襄

豆盧毓

勣子漢王諒出鎮并州毓以妃兄為長史累功授儀同三司及煬帝即位諒謀不軌苦諫

不從語留守朱濤曰王構逆吾輩豈可孤負國家耶當出兵拒之後為諒所害詔贈大將軍封正縣侯謚愍子願師製儀同三司

豆盧寧

字永安昌黎人為金州刺史在州以廉平著稱加散騎常侍

豆盧勳

楚公

唐豆盧革

為名世族莊宗初拜相以天下多故方服丹砂鍊氣以永長生

豆盧欽望

萬年人中宗朝居相位
十年謹身諄諄自全

三十監

監尹

楚監允大心之後

萬姓統譜卷一百三十六